

КАРОР

2003 йил сентябр ойнинг 12 куни Жиноят ишлари буйича Риштон туман судининг уз биносида очик суд мажлисида Раислик этувчи Умирзаков П.Ю.нинг раислигида Бадалов Ж.нинг котиблигида Узбекистон Республикаси МЖТКсининг 201-моддаси 1-кисми билан Таджибаева Муътабар Ибрагимовнага нисбатан тупланган маъмурий ишни куриб чикиб, куйдагиларни

А Н И К Л А Д И:

Таджибаева Муътабар Ибрагимовна, 1962 йил 25 август куни Маргилон шаҳрида тугилган, миллати узбек, маълумоти урта-махсус, оилали, 1 нафар фарзанди бор, депутат эмас, партиясиз, мукаддам судланмаган, «Утюрраклар» клуби рахбари, Маргилон шаҳар, Зухра кучаси, 31 уй 31 хонадонда яшайди.

Суриштирув органи Таджибаева М. 2002 йил 14 октябр куни соат 10-ларда тегишли рухсатнома олмасдан Олтиарик туман суди биноси олдида намоиш уюштириш тартибини бузиб Узбекистон Республикаси МЖТКсининг 201-моддаси 1-кисмида кайд этилган хукукбузарликни содир этган деб маъмурий баённома тузган.

Суд мажлисида Казоков М. ва Мадбобоев Р.лар 2002 йил 14 октябр куни соат 10-ларда Таджибаева М. иштирокида 10-15 кишидан иборат одамлар Олтиарик туман суди биноси олдида пикет уюштиришганлигини, уларнинг кулларида хокимият, суд, прокуратура ходимларидан норози булиб ёзилган плакатлар булганлигини айтиб курсатма беришади

Суд юкоридаги баёнотларни эшитиб ва иш материалларини текшириб чикиб Таджибаева М.ни харакатларида Узбекистон Республикаси МЖТКсининг 201-моддаси 1-кисмида кайд этилган маъмурий хукукбузарлик аломатлари йук деб баҳолайди ва маъмурий ишни иш юритишдан тугатишни лозим топади.

Узбекистон Республикаси МЖТКсининг 201-моддаси 1-кисмида йигилишлар, митинглар, куча юришлари ёки намоишлар уюштириш, утказиш тартибини бузганлик учун маъмурий жавобгарлик курсатилган.

М.Таджибаева расмий равишда хокимликдан намоиш утказиш учун рухсат сураб ариза билан мурожат қилган. Лекин Олтиарик туман хокимлиги томонидан рухсат берилмаганлиги сабабли у намоиш ва куча юришларини уюштирмаган.

М.Таджибаева ва бошқалар 14.10.2002 йил куни кургазмалар /плакат/лар билан Олтиарик туман суди биноси олдида хокимият, суд, прокуратура ходимларидан норози булиб ёзилган плакатларни кутариб олишиб пикет уюштиришган. Бундан ташқари суриштирув даврида курсатма беришган Эминов Н. Алимкулов А. Сатторов А.лар Таджибаева М. ёрдам берганлиги учун уни илтимоси буйича Олтиарик туман суди биноси олдида тупланишганлигини, йигилиш, митинг, куча юришлари ёки намоиш уюштиришмаганлигини айтишиб тушунтириш беришган.

Ушбу ҳолатда Таджибаева М.ни харакатларни куча юриш, намоишлар уюштириш деб баҳолаб булмайди.

Пикет утказиш, узининг шахсий фикрини кургазма /плакат/ лар ёки бошка усулларда билдириш Узбекистон Республикаси Маъмурий жавобгарлик тугрисидаги Кодексида ва Олий суднинг Пленуми Карорларида маъмурий хукукбузарлик деб талкин қилинмаган.

Суд юкоридагиларга асосан ва Узбекистон Республикаси МЖТКсининг 271, 309-311-моддаларини куллаб

КАРОР К И Л А Д И:

Узбекистон Республикаси МЖТКсининг 201-моддаси 1-кисми билан Таджибаева Муътабар Ибрагимовнага нисбатан тупланган маъмурий ишда маъмурий хукукбузарлик аломатлари йуклиги сабабли унга нисбатан тупланган маъмурий иш иш юритишдан тугатилсин.

Ушбу карор мазмуни кизикувчи томонларга маълум қилинсин.

Карордан норози томон шу суд орқали Жиноят ишлари буйича Фаргона вилоят судига 10 кунлик муддатда шикоят, протест келтиришга ҳақли.

Раислик этувчи

имзо

Умирзаков П.Ю.

Карор аслига тугри деб:
Жиноят ишлари буйича
Риштон туман судининг раиси

Умирзаков П.Ю.